

## Leksyon 5

**ANG DIOS MAGATAGAD  
SA IMONG PAGABUHATON  
NGADTO SA UBAN**



**Tun-i kini mahitungod sa Dios**

Ang Dios magatabang sa mga ginikanan sa pag-atiman sa ilang mga anak.  
 Ang Dios nasayud unsa ang imong pagbati ngadto sa ubang kabataan.  
 Ang Dios magasilot niadtong magadagmal sa ilang isig ka bata.  
 Ang Dios buot nga ikaw magaminatarung ngadto sa ubang kabataan.



Basaha kini gikan sa Biblia  
 Kusga sa pagbasa ug sublia makalima

Apan si Cain nakiglantugi sa iyang igsoong si Abel. . . ug mipatay kaniya. Unya ang Ginoo nangutana kang Cain: Hain man ang imong igsoon nga si Abel? Genesis 4:8,9.

**Mabuhat mo ba kini?**

Badlisi libot sa pulong nga maoy hustong tubag.

- |  |         |               |          |
|--|---------|---------------|----------|
| 1. Unsa man ang pagabuhaton sa Dios niadtong magadagmal sa ilang isig ka bata? | malimot | magpanalangin | magsilot |
| 2. Makahibalo ba ang Dios kon ikaw maglagot ngadto sa uban?                    | Oo      | dili          | usahay   |
| 3. Kinsa man ang nagpatay kang Abel nga iyang igsoon?                          | Adan    | Abel          | Cain     |

## Mga Tubag

1. Magsilot

2. Oo

3. Cain

### Mga pulong aron imong pagatun-an

Adunay halad (**offering**) nga usa ka butang nga ginahatag sa tawo ngadto sa Dios.

Adunay usa ka halad (**sacrifice**) nga usa ka buhing butang nga ginagamit sa tawo nga maoy ginahalad ngadto sa Dios.

Ang pagpanalangin maoy usa ka pagbuhat ug maayo alang sa usa ka tawo.



### Ang Dios magatabang sa mga ginikanan sa pag-atiman sa ilang kabataan.

Badlisi ubos sa tanang pulong gikan niining timaan ngadto sa sunod nga .

Si Adan ug si Eva may daghang mga anak.


Ang magulang mao si Cain.

Ang manghod mao si Abel.

Si Cain ug si Abel mao ang unang mga anak nila, ang unang mga igsoong lalaki sa kalibutan.

Si Adan ug si Eva kinahanglan magabuhat gayud kanunay aron sa pagpakaon sa ilang mga anak.

•Ang Dios nagatabang kanila sa ilang mga bulohaton•



Kinahanglan mananom silag mga tanaman.

Sila nagaatiman niini ug nagaani sa mga bunga alang sa ilang pagkaon.

Sila nagbuhi ug mga carnero ug mga canding aron adunay gatas ug mga bisti sa kabataan.

•Ilang gitudloan ang ilang kabataan sa pagbuhat kanunay. Ug ilang gitudloan sila mahitungod sa Dios. •

## Ang Dios nasayud unsa ang imong pagbati ngadto sa ubang kabataan.

Si Cain mihatag ug halad ngadto sa Dios gikan sa mga kalan-on nga iyang ginatanom ug ginaani.

Si Abel mihatag usab ug halad nga usa ka cordero aron magpakamatay alang sa iyang mga sala.

• Ang Dios nahigugma kanila ni Cain ug ni Abel.

Ang Dios nagtudlo kanila sa paagi sa pagduol kaniya.

Kinahanglan nga sila magadala ug halad alang sa sala ingon sa ginabuhat ni Abel.

Ang Dios nagpanalangin kang Abel ug nagpasaylo sa iyang mga sala.



Maoy tinguha ni Cain nga magbuhat sumala sa iyang kaugalingong paagi.

Siya naglagot ngadto sa Dios tungod sa iyang pagpanalangin kang Abel.

Naglagot si Cain kang Abel.

Nasayud ang Dios sa gibati ni Cain.

• Nasayud ang Dios nga kon si Cain magpadayon nga naglagot siya magabuhat ug dautan.

Ang Dios nakigsulti kang Cain ug nangutana kaniya, "Nganong naglagot ka man?"

Apan si Cain wala mamati sa Dios.

Gidumtan ni Cain si Abel nga iyang igsoon.



## Ang Dios magasilot niadtong magadagmal sa ilang isig ka bata.

Didto sa kaumahan usa ka adlaw

Gipatay ni Cain si Abel.

Makalilisang kadto nga sala.

Nakita sa Dios ang nabuhat ni Cain.

• Kinahanglan silotan sa Dios si Cain.

Wala na motugot ang Dios nga si Cain magpuyo kauban sa iyang panimalay.

Si Cain ug ang iyang asawa milangyaw ug naglain sila sa pagpuyo nga walay mga kauban.



**Ang Dios buot nga ikaw magaminatarung ngadto sa ubang kabataan.**

Sala gayud ang pagdumot sa laing tawo.

Kini nga sala maoy magdasig sa mga bata sa pagdumot sa ubang kabataan.

Kini nga sala maoy magdasig kanila sa pagpakig-away, pagpakiglalis ug sa pagpatay.

Ang sala maoy nagabulag sa usa ka tawo gikan sa iyang isig ka tawo.

Ang sala maoy magabungkag sa panimalay.



Ang Dios buot nga mopasaylo sa atong mga sala ug pagkamatarung kanato.

- Ang Dios buot magkuha gikan kanato sa atong dautang pagbati ug magahatag kanato sa paghigugma alang sa atong isig ka tawo.
- Unya sa kanunay kita magamalipayon.

Naglagot ka na ba batok sa laing bata?

Imo na ba nga gihangyo ang Dios sa pagkuha sa kalagot sa imong pagbati?

Buot ka ba nga mahimong kahimut-an sa ubang kabataan? Sag-uloha kining pag-ampo.

### **Pag-ampo**

O Ginoo, Ayaw itogot nga mahisama ako kang Cain.

Tabangi ako sa pagtagad sa uban sumala sa angayan kong pagabuhaton.

Pasayloa ako sa naglagot ko nga mga hunahuna ug mga pulong.

Ug himoa ako nga mahigugmaon, malomo, ug maayong bata.



**Karon sulati ang imong Talaan sa Tinun-an alang sa Leksyon 5**


INTERNATIONAL CORRESPONDENCE INSTITUTE  
PHILIPPINE NATIONAL OFFICE, P.O. BOX 1084, MANILA

**ANG DIOS MAGATAGAD  
SA IMONG PAGABUHATON  
NGADTO SA UBAN****KALINGAWAN NGA IMONG PAGABUHATON**

Butangi ug color ang hulagway.

Ang mga ihalas nga mga mananap  
nagaaway ug nagapatay.

Gusto ba kita nga mahisama kanila? .....



**Pag guhit ug badlis gikan sa matag-usa ka pangutana ngadto sa tukma nga tubag sa too, sama niini:**

- |  |   |            |
|--|---|------------|
| 1. Magatagad ba ang Dios bisan unsa ang atong pagabuhaton ngadto sa uban?  | ● | ● si Cain  |
| 2. Kinsa man ang nagdala ug usa ka mananap ngadto sa Dios ingon nga usa ka halad (sacrifice) alang sa sala?        | ● | ● Oo       |
| 3. Kinsa man ang naglagot batok sa iyang igsoong lalaki?   | ● | ● ang Dios |
| 4. Kinsa man ang nagpasidaan sa usa ka igsoong lalaki mahitungod sa pagbuhat ug sala sa panahon nga siya naglagot? | ● | ● si Abel  |

**Pag guhit ug badlis ubos sa tukma nga mga tubag.**

5. Unsa man ang imong nahunahunaan kon unsay buot sa Dios nga imong pagabuhaton ngadto sa ubang kabataan?  
makigbugno mahigugma makig-away magpatay magpasaylo magdumot

**Tubaga kining mga pangutana.**

6. Sayon ra ba kaayo ang pagpugong aron dili ikaw abuton sa kalagot? .....
7. Sa panahon nga naglagot ikaw aduna ka bay nabuhat ug nasulti nga sa kaulahian imong ginabasolan? .....
8. Buot ka ba nga tabangan sa Dios aron dili ikaw abuton ug kalagot ngadto sa uban nga mga tawo? .....
9. Unsa man ang imong pagahuhaton sa panahon nga bation na nimo ang kalagot batok sa uban nga kabataan? .....

**Imo na bang gibuhay ang tanang bulohaton niining leksiona? .....**

**Linawa sa pagsulat nga minuldi ang imong ngalan .....**

**Grado .....**

Ang imong papel sa pasulit pagahatagan ug grado ug ipadala balik kanimo, kauban sa sunod nimong leksyon. Kami malipay sa pagdawat ug mga sulat nga gikan gayud kanimo. Pangutana lamang bisan unsa nga mga pangutana nga moabot sa imong hunahuna sa panahon nga ikaw nagtoon. **IPADALA KINING PAPEL SA PASULIT NGADTO SA:**

INTERNATIONAL CORRESPONDENCE INSTITUTE  
PHILIPPINE NATIONAL OFFICE—P.O. BOX 1084, MANILA